

THEATRELIFE.GE

KA ▼

ქართული თეატრის ელექტრონული არქივი

რევიზორის, ერთობ არასასურველი და არასასიამოვნო, ვიზიტი

სტატია მომზადდა საქართველოს მოთა რუსთაველის თეატრისა და კინოს სახელმწიფო უნივერსიტეტის პროექტის „თანამედროვე ქართული სათეატრო კრიტიკა“ ფარგლებში.

დაფინანსებულია საქართველოს კულტურის სამინისტროს მიერ.

სტატიაში მოყვანილი ფაქტების სიზუსტეზე და მის სტილისტურ გამართულობაზე პასუხისმგებელია ავტორი.

რედაქცია შესაძლოა არ იზიარებდეს ავტორის მოსაზრებებს



29.06.2026



ლელა ოჩიაური

რევიზორის, ერთობ არასასურველი და არასასიამოვნო, ვიზიტი

პატარა და თავის საზღვრებში ჩაკეტილი პროვინციული ქალაქის (ქვეყნის) მშვიდი და მოსაწყენი ცხოვრების უშფოთველობა ერთ დღეს მოულოდნელად ირღვევა. ქალაქის თავი თანამოქალაქეებს ერთობ არასასიამოვნო ამბავს აცხობინებს - მათთან, გუბერნიისა და ოლქის მდგომარეობის შესასწავლად და ვითარების გასაკონტროლებლად, „ღმერთო ძლიერო!“, საიდუმლო მინდობილობითა და ინკოგნიტოდ, გაურკვეველი საგანგებო მისიით, რევიზორი ჩადის!

მსოფლიო ლიტერატურის ამ გამორჩეული „ფაქტის“ „დეკლარირებით“, ნაენობი და შთამბეჭდავი ეპიზოდითა და განაცხადით - „ბატონებო, იმისთვის მოგიწევით, რომ გაუწყით... ჩვენთან რევიზორი ჩამოდის!“, „როგორ თუ რევიზორი!..“, „როგორ თუ რევიზორი!..“, „ესღა გვაკლდა!..“ - მიკოლა გოგოლის „რევიზორიდან“ - იწყება ბათუმის ილია ჭავჭავაძის სახელობის პროფესიული სახელმწიფო თეატრის, ამავე სახელწოდების, სპექტაკლიც, გიორგი კაშიას დადგმით (რეჟისორის ასისტენტები - ელენე კომახიძე, ნატო ღლონტი) და ამბავიც მისი სიუჟეტის მიხედვით ვითარდება. მაგრამ რეჟისორს „არ ყოფნის“ ხუთმოქმედებიანი პიესის, მოვლენებით „დატვირთული“ მსვლელობა და მას საკუთარს ამბატებს, ურთავს სხვა ამბებს, ციტატებს, სხვადასხვა, არანაკლებ ცნობილი ტექსტებიდან, მოქმედებას ახალი ხაზებით ავსებს, უნდა ითქვას, საკმაოდ, ჭარბად და ზოგიერთ შემთხვევაში, რაღაც კუთხით, ზედმეტად.

ამდენად, „რევიზორი“, როგორც პროგრამაშიცაა მითითებული, გოგოლის „რევიზორის“ მიხედვითაა დადგმული. მის საფუძველზეა აგებული, „მოტივებზე“ - გიორგი კაშიასა და დრამატურგ ვალერი ოთხოზორიას დაწერილ ახალ პიესაზე. და გიორგი კაშიას (რომელიც ზუგდიდის შალვა დადიანის სახელობის პროფესიული სახელმწიფო თეატრის დირექტორია და სპექტაკლებს საქართველოს სხვა ქალაქებშიც დგამს), მიმდინარე სეზონში, ბათუმის თეატრში დადგმული მეორე სპექტაკლი, დავით კლდიაშვილის „დარისპანის გასაჭირის“ შემდგომ. ინსცენირებების დროს, პიესების ძირითადი ტექსტების ჩანართებით შევსება, ახალი თემებისა და მოვლენების შეტანა რეჟისორის ხელწერისა და ამით, საბაზისო მასალის ახალ ფორმატში გადატანის „გამომუშავებული ჩვევა“.

„რევიზორში“ ამბავი სასაფლაოზე იწყება. თითქოს უკაცრიელ და მიტოვებულ სასაფლაოზე, თუმცა, სიკვდილი და დასაფლავება აქ ხშირია. დასაფლავებაზე მთელი ქალაქი შეკრებილა - ყოველ შემთხვევაში, ისინი, რომლებიც საზოგადოების „მაღალ ფენას“ ეკუთვნიან და ქალაქის პოლიტიკურ და სოციალურ ცხოვრებას უძღვებიან - მმართველები, ადმინისტრაცია, თავად-აზნაურობა და მათ მსახურებს. ანუ, ისინი, რომლებიც მოვლენების მთავარი მონაწილეები - სპექტაკლის პერსონაჟები არიან. თითქოს ცხოვრება „მკვდარია“, სასაფლაოს ეს გარემოწერილობა, ქალაქის ცხოვრების მდგომარეობას გამოხატავს.

რეჟისორი სცენოგრაფი ანანო დოლიძესთან ერთად ქმნის ამ პირქუშ და ჩაკეტილ ქალაქის სახეს. ნახევრადწაქცეული და ფაქტობრივად, უშუქო განათების ბოძები, ქვიშისა და ხრემის ნაყარი, შუა „ქალაქში“ გადებული, ნაწილობრივ დანადგარი, გაუმართავი რელსი (რომელიც ბოლოს მაინც იგბება და სადგურიდან პირველი მატარებელი იბრუნება), სხვადასხვა პერსონაჟის საცხოვრებელი და საზოგადოებრივი შენობის ინტერიერი - მეტყველი და გამომსახველია, ზუსტად „აღწერს“ ვითარებასა და გამოვლასა და უძრავობის ატმოსფეროს - გარემოსა და პერსონაჟების შინაგან მდგომარეობას.

გარემო მოქმედების მსვლელობასა და მოქმედების ადგილების შეცვლასთან ერთად იცვლება. სხვადასხვა ეპიზოდის ხასიათისა და არსის მიხედვით, იცვლება სადადგმო ხერხები, ქანრების საზღვრები მყიფეა, თუმცა სატირის, საკმაოდ მწვავე და მახვილი ფორმატი უცვლელი რჩება.

მოვლენებით, ეპიზოდებით, ფაქტებით, ცვალებადი სივრცისა და ემოციური და არსობრივი შეგრძნებით, სამიზნეებითა და შედეგებით აქტიურად დატვირთულ სამყაროს, გიორგი ჯღარკავას ორიგინალური და ცნობილი თუ ნაკლებადცნობილი მუსიკალური თემები ავსებს, მახვილი, ზოგჯერ, კონტრასტულია, ზოგჯერ, თითქოს შინაგანად მეტყველი, ამა თუ იმ ეპიზოდის სტრუქტურული „მიდა“ აგებული მისა თუ ქანრულად თანმდევი.

სცენური სივრცე პირობითია, თითქოს მკაფიო საზღვრებდაკარგული, არაკონკრეტულიც, კონკრეტულიც და არარეალურიც, რომელსაც იდუმალეზა და არა ერთი შიდა ფენა, ქვეტექსტი ახლავს. აქ ბევრი პარალელია და დღევანდელის არა ერთი ასოციაცია იმდებნა (იმის მიუხედავად, რომ პერსონაჟებს, უმეტეს შემთხვევაში, ეპოქის - XIX საუკუნის კოსტუმები ავსებდა და ასეთივე ვარცხნილობა აქვთ და ასევე „ოქცევიან“). კონკრეტულ უფრო მეტი განზოგადების საშუალებას ქმნის და მხატვრული გამონაგონის ვიზუალური გამომსახველობა მეტაფორული და გაუხეხებელია და მოცულობით სივრცედ გარდაიქმნება.

სპექტაკლში რამდენიმე ათეული პერსონაჟია და ბათუმის დრამატული თეატრის დასის უმეტესობა მონაწილეობს, მთავარ, მეორე თუ ეპიზოდურ როლებში. პიესის რამდენიმე მეორეხარისხოვან, უმნიშვნელო პერსონაჟის გარდა (რომლებსაც თავად ავტორი, ზოგადი სახელებით მოიხსენიებს და დიდი ფუნქცია არც აქვთ) ყველა მოქმედი გმირი „ადგილზეა“ და თუ აქტიურად ჩართული არაა მოვლენების მსვლელობაში, მუდამ ფიგურირებს და ჩანს.

მოქმედი პირნი და შემსრულებელნი არიან: ანტონ ანტონოვიჩ სკოვნიკ-დმუხანოვსკი - გორდინიჩი - ტიტე კომახიძე; ანა ანდრეევნა - ცოლი მისი - თათული ედიშერაშვილი; მარია ანტონოვნა - ქალი მისი - სალომე ბედინიშვილი, მარიამ გველესიანი; სტეფან ილიჩ უზოვრტოვი - უბნის ბოქალური - ლაშა კონცელიძე; ამოს ფედოროვიჩ ლიპკინ-ტიპკინი - მოსამართლე - ზაალ გოგუაძე; არტემი ფილიპოვიჩ ზემლიანიკა - საღვთო-სამადლო დაწესებულებების მზრუნველი - ლევან თედორაძე; პეტრ ივანოვიჩ დობჩინსკი - ზაზა ზოიძე, მიმა ლომიძე; პეტრ ივანოვიჩ ბოზინსკი - სესე მიქაეა, ზურაბ გორგილაძე; მარია ორლოვა - მერი ნავაშიძე; პოლინა ალექსეევნა - ლია აბულაძე; ივან ლაზარევიჩ რასტაკოვსკი - ავთო ქარაგა; ვაჰარი აბდულინი - ჯემალ ველიაძე; მაზრის მკურნალი, ფედორ ანდრეევიჩ ლულუკოვი - ნოდარ ძიძიგური; ფედრონია პეტროვნა პომლევკინა - ზეინკლის ცოლი - ნატო გოგიტაური; ხრისტინ ივანოვიჩ გიბნერი - მაზრის მკურნალი - ნოდარ იაკობაძე; ეპისკოპოსი - გოგიტა მეგრელიძე; სვისტოლოვი - რამაზ დორჯომელაძე; მიშკა - გორდინიჩის მსახური - თორნიკე ბარამიძე, ტამარა ჯღერია; ოსიპი - ხლესტაკოვის მსახური - ლუკა ჭეიშვილი, დავით მამრიკიშვილი; ტრაქტირის მსახური - ნანა კიკვაძე; მაზრის მსახური - ნინა დიასამიძე; მსახურების ქორი: მარიამ მღებრიშვილი, ანი მელაძე, ქეთა ბარამიძე, მარიამ ენდელაძე; ბავშვები - შვილები - გიორგი ჯაში, დათუნა სადარაძე; ალექსეი კუზნეცოვი - კოტე მჭავია და ივან ალექსანდროვიჩ ხლესტაკოვი - პეტერბურგელი მოხელე - რევიზორი - დავით ჯაყელი. და იმის მიუხედავად, რომ გამოგონილი სახელები აქვთ და ხასიათებიც გროტესკული, სატირული და მაინც ძალიან ბევრ ნაცნობ გარემოებას, ადამიანს, ასახიერებებს და ზუსტად ერგებიან ანალოგიურ რეალურ სიტუაციებს.

ამ ქალაქში, ამ საზოგადოებაში ყველასა და ყველაფერს გორდინიჩი (ადმინისტრაციული-პოლიციური ხელისუფლების წარმომადგენელი, რუსეთის საოლქო ქალაქში) - ასე ვთქვათ, ქალაქის თავი - განკარგავს. თანამდებობრივად ეკუთვნის და ხასიათიც, მორალიც ასეთი აქვს. უფრო ზუსტად, უმორალოა. მას არც ხელქვეითები, დიდი თუ პატარა სახელმწიფო მოხელეები და ჩამორჩებიან.

აქ ამ ქალაქსა და მის მაცხოვრებლებს არც მომავლის, არც ქალაქში რაიმეს შეცვლის, რც მისგან თავის დაღწევის პერსპექტივა არ გააჩნიათ, სარკინიგზო ხაზის გაყვანისა და მატარებლის ამუშავების მიუხედავად. ყველაფერი მათზეა (როგორც ნებისმიერ სხვა შემთხვევაში და ყველა დროში და ყველგან) დამოკიდებული და ასეთი ქალაქი, ასეთი ცხოვრება მათი პერსონალური არჩევანია.

აქ ქალაქს, ამ საზოგადოებას რევიზორის ვიზიტიც სხვადასხვაგვარად აფორიაქებს. როგორც ნებისმიერ საზოგადოებას, რომელსაც არც ზნეობა აქვს, არც მორალი, რომელიც, მართალია, მიჩვეულია ხელისუფლების მსახურებას, მაგრამ არ უყვარს და ემინია ხელისუფლების.

თავისი პირადი პრობლემებით დამძიმებული და პრაქტიკულად, მიუსაფარი ხელსატაკი თავიდან ვერც კი ხედება, რა ხდება მის თავს, რატომ ხდებიან ასეთი პატივით, თუმცა, შემდგომ, ირგებს და იყენებს სიტუაციას, ყველა შეთავაზებითა და მდგომარეობით მშვენივრად სარგებლობს და ამ საზოგადოების ერთგვარ მსაჯულად თუ დამსჯელ სუბიექტად გარდაიქმნება.

ქალაქის მცხოვრებლები ხშირად იცვლიან ნიღბებს, ადვილად იცვლიან პოზიციას, როგორც საჭიროა, იქცევიან, ყველაფერს აკეთებენ „თავის გადასარჩენად“, გამორჩენისთვის, ცხოვრების პირობების შესაცვლელად, გასაუბრებლად. ფუჭი მცდელობებითა და არსებულის კიდევ უფრო დამძიმებითა და გაუარესებით. ნაცნობი სიტუაციაა, ნაცნობი სახეებით, წესებითა და ბრძოლით წესების გარეშე.

სპექტაკლის პერსონაჟს - ყველას აქვს „საკუთარი“ გამოსვლა, ეპიზოდი, თითოეული, ხან ჯგუფურ და ხან მასობრივ სცენაში ჩართული, ქორისა თუ საზოგადოების ზოგად, კრებით სახეს ქმნიან. თუმცა, მთავარი თუ როლის „ეპიზოდურობის“ მიუხედავად, უფუნქციო არც ერთი არაა. თვისებებითა და ამოცანებით გამოკვეთილი აქვთ და სხვადასხვა ტიპის, კატეგორიის, ფუნქციის მატარებელი პერსონაჟების სახეების შექმნაში სხვადასხვა ხერხსა თუ სამემსრულებლო სტილს - ქანრიდან გამომდინარე - იყენებენ.

ბოლოს, როგორც მოსალოდნელი იყო, რევიზორი მართლაც მოვიდა, თუმცა, ის სპექტაკლის დაწყების პირველივე ეპიზოდებიდან, ხან პერსონაჟებთან ერთად და ხან, მათგან მალულად, ალუქსი კუზნეცოვის სახელითა და ბათუმის თეატრის დირექტორ, კოტე მკაცრის შესრულებით, ერთვებოდა მოქმედებაში და ალბათ, მთელი ეს დრო, აკვირდებოდა, ამოწმებდა. ოღონდ, ბოლომდე არავინ უწყის, სინამდვილეში, რა მიზნით.

კომედია, ფარსი, სატირა, საბოლოოდ, დრამასა და ტრაგედიაში ცხადდება. პერსონაჟებს - ოჯახის წევრებსა თუ სახელმწიფო იერარქიულ საფეხურზე მყოფ, თანამოაზრეებს (პოლიტიკურსაც კი), ყოფილ მეგობრებსა და ახალდაკავშირებულ მოქალაქეებს შორის არსებული, ჯერ კიდევ შემორჩენილი ან, სასურველი ყველა, თუნდაც, სუსტი კავშირი წყდება და ყველაფერი საბოლოოდ ირღვევა. ამ, ისედაც დაშლილ და ფასეულობადაკარგულ სამყაროს, როდესაც „ერიცა და ბერიც“ აღარ და ვეღარ ქმნის საზოგადოებას და ადამიანურ სახესაც კარგავს, აღარაფერი „გადაარჩენს“.

სიცოცხლე და სიკვდილი მაქსიმალურად უახლოვდებიან ერთმანეთს. დანაკარგები მატერიალურ ფორმასაც იძენენ - პირდაპირი და პირობითი მნიშვნელობით. ხელსატაკი მიდის. მხოლოდ მას გაუმართლა. პირველი მატარებელი კი ქალაქს ტოვებს. „მთელი ჯგუფი, რომელმაც უცებ შეიცვალა მდგომარეობა, ქვავდება“. და უიმედობის უკუნში იძირება.

